

به نسخه ۱ غروشد

صاحبی، مدیری، محرری



اسلامك نفعنه خادام مقالات
مع الت شكر قبول ونشراولونور

يازانك شخصيتي دكل، يازينك اهميتي
نظردقته آئينور .

كلن يازيلردن شايان قبول كوردولنار
تاريخ ميراسيله درج ايديلير .

محفصل

۱۳۳۸

دینی، علمی، ادبی، اجتماعی و شمیمی
شهری مجموعه ده

اداره خانه سی : آق سرایده
ملا کورانی محله سنده مهتر
سوقا غنده ۳ نومرولو خانه

مرکز توزیعی :

باب عالی جاده سنده (اتحاد
تجارت) کتبخانه سی

آبونه بدلی :

سنه لکی ۶۰ غروش
آلتی آلتی ۳۰

جلد : ۳

۱۳۴۱ جمادی الاخره و رجب آیلرینه مخصوص نسخه

عدد : ۳۳ و ۳۴

مذمومات :

محفصل دینی و علمی : تستر شرعینک فوائدی - اسکاییلی عاطف . بش وقت نماز - طاهر المولوی . ایلک
مسلمان واک محترم قادی - فخر النساء کمال . معلومات جاهلیه حقنده بر قونقه رانس - طاهر المولوی . احمدیه
حرکاتی حقنده بعض نوطار - مسعود . اسلامیاته غائد نشریات - سعدی .

محفصل ادبی : یکی شهرلی عونی بکک آثارندن منتخبات - بسیم . نیاز - محمد صادق . نعت شریف - طاهر المولوی .

محفصل تاریخی : بو بوکلر مژدن : سعید بن زید . عثمان شمس و شیخ عزری افندیلر - حسین و صاف

مستجابی زاده عصمت بک - سعود المولوی .

جناب شمسك كالات عارفانه سنه واقف اولمق
ايچون اوچ لسانده يازيلش انطاق غليه لرني تتبع
ايمك لازمدر . بروسه لي طاهر بك (عثمانلي
مؤلفلري) نده مشارالهي شعرا فصلنه يازمسي
خوش كوره مدم . حضرت شيخ ، شاعر اولمقله
برابر صرفانا دها يوكسك برمرتبه ده در . متاخرين
مشايخك ممتازي ، عرفاي عصرك سرافرازيدر ،
مقامات عاليه صاحبدور .

طومار طرق عليه مؤلف محترمي صادق
وجداني بك افنديك طريقت عليه قادريه مجتده
مشارالهدن وبالمناصبه (شيخ مشتاق) دن بحث
بيورماش اولملي ده برقصاندر .

عثمان شمس حضرتتارينك ايكي خليفه سي
وارددر . بري : اسكدارده جانبازلرگاهيه سي (شكري)
ديكري : متاخرين مشايخ كرامدن (محمد عزري)
افنديلر حضرتتيدر . شكري افندي ۲۶ ربيع الاول
۱۳۲۴ ده ارتحال ايتمشدر ، عزيزينك قبري
قربنده دفين خاك غفراندر .

محمد عزري افندي ، ساداتدن اولوب (محمد
عزري بدرالدين اويس القادري) ديه تليقب اولمقده در .
۱۲۵۹ سنه سنده نيكده ده بركتلي معدن ناحيه سنده
طوغمش ، ۱۲۸۰ سنه سنده استانبوله كلوب مبادي
علومي خصوصي برمعلمدن تعلم ايتمشدر . خدمت
دولته كيره رك ۱۲۹۲ تاريخنده ضبطه نظارتي
مكتوبي قلمي ميملكنه ارتقا ايتمش ، ارضروم ،
وان و حكاري ولايتلري اوقاف محاسبه جيلكنده
وانقره ولايتي اوراق مديرلكنده بولنه رق شهر
اماتي مجلس اداره باش كتابتندن متقاعد اولمشدر .
عثمان شمس حضرتتارينه انتسابي ۱۲۹۵ سنه سنده در .
عزيزينك فيض نظريه و تام معناسيله مرديد خالص
مرتبه سني بولش وسنه لرجه خدمت عليه سنده
بولنه رق خيرا الحلف اولمشدر . ۱۳۰۳ ده اكمل
سلوكله مظهر خلافت اوله رق عزيزينك ارتحاله

قدر معيتنده بولمشدر . صكره خانه لرنده ازواي
اختيار ايتمش ايكن بيك اوچيوز اون تاريخنده
صالحم سكودده كائن آيدن اوغلي دركاهي مشيختي
انحلال ايدنجه الحاح و ابرام ايله بورانك مشيختي
قبول ايتمشلردى . بورايي يكيدين احيا ايدوب
تام يكرمي سكز سنه قپوسندن ديشاري چيقيمامق
صورتيله اثرخارق رياضت كوسترمشلردر . بوراده
مدفون اولان (حسن النسي) حضرتتارينك ده قرق
سنه ديشاري چيقيمدقلى منقبتاه لرنده مسطوردر .
عزري افندي ، شخصنده كي علويتك تاثيريله بوراستني
مجمع عشاق دينيله جك برحاله كتيرمش ايدى .
اوزون بويلى ، ملحم ، بياض و اوزونجه صقاللى ،
يوزنده جهرتي غالب ، اندامي متناصب بر مرشد
انام ايدى . اثناي ذكرده كي وجد و حالاتي آلان محفوظ
خاطره عاشقاندر . ۱۶ جمادى الاولى ۱۳۳۸ تاريخنه
تصادف ايدن بازار كيجه سي عالم بقايه انتقال ايدى .
سن شريفلري يتمش طقوزه بالغ اولمشدى .

وصيتلري اوزرينه اسكدارده عزيز محمود
هدائي افندمرك خاتقاه لطيفلري قبرستانه دفن
اولندى . اليوم معمور تربهلري وارددر .

زمانمزه عثمان شمس افندي حضرتتارينى بحق
تمثيل ايدر عارف ، كامل برذات ايدى . قدس الله سره

صبيح و صاف

مستجابي زاده عصمت بك

۳۰ نجى نسخهدن مابعد

جناب حق بوذواتك جمله سندن راضى اولسون كه
شو ملك و ملته يالاندن دكل ، كرچكدن ، مضر
دكل ، بك عالي و نافع خدمتار ايتمشلر ، حتى عمرلريني
بويولده صرف واقفا ايتمشلر . حيفا كه بزنا خلفلر
بو خيرلى سلفلرك قدر و قيمتلريني تقديردن بيله
استكاف ايدينيورز ، مسلكلريني تقدير نروده ؟
دها ايلري كيده لمي ؟ ابناي وطنك اصحاب

قلم قسبی بر زماندو اولیای نعم تحصیلری اولان
 ابراری لسان رحمتله یاد ایتکدن بیله مستفکقدرلر .
 فقط بیلملیدرکه باهنامه وادیسنده هر کون
 جلدلر طولدیران قلملر ، اساتذہ کالات مات
 ایچون فاتحه نویس اولق کبی بر لازمه انسانیت
 و مروتی اونوده جق درجه لرده سرمست و هوا
 پرست اولورسه کونک برنده مطلقا شکست اولور .
 ایجاب طبیعت بودر .

مرحومک اسپارطه ده کی حیاته عائد معلوماتم
 بک ناقصدر . صوک زمانلرده عمیق بر حزن و تأثره
 مبتلا اولوب بو سائقله بالین بیماری به سریلدیکنی
 اون کون قدر امتداد ایدن راحتسزک نتیجه سنده
 رحمت حقه انتقال ایده رک اوراده تربۀ مخصوصه ده
 مدفون اکا بردن برینک جوارینه احتفالات
 فوق العاده ایله دفن اولندیغنی ، جنازه سنده بتون
 مأمورین و اشرافک حاضر بولندیغنی عائله محترمه سندن
 وارد اولان مکتوبده او قودم . کندیسنده قلب
 خسته لکی اولدیغنی اولجه برارقداشندن دویمیشدم .
 مرض موتی او خسته لک اولق ملحوظدر . فجیعۀ
 وفاتنک هجری و مالی تاریخ حسابیله هانکی آیه
 و نه کونه تصادف ایتدیکنه اطلاع حاصل ایده مدم .
 نیم ایچون بوده آیریجه موجب تأسفدر . بیلمم که
 زوالینک سنک مزاری وارمیدر ؟ کرچه او ،

بعد از وفات تربت مادر زمین مجو

دوسینهای صردم عارف مزار ماست

مال عالینسی لسان حال ایله کویا بر مردالهی
 نوا ایدی . فقط بزم کیلرک ظاهربین کوزلری
 عصمت کبی نوادر خلقتک قبرلرینی یار و اغیاره
 قارشی جالب اعتبار بر حالده کورمک ایستیور .
 بوانیه نک حصوله چالشقی نامق الحروف عاجزه
 وظیفه در اما (قاتل الله الضرورة !) عصمت ،
 حد ذاتده اموات زمره سندن دکلددر .

اناس موتی و اهل القلم احیاء
 عصمتک حیات ابدیه به مظهر یقندن شبهه ایدیه منر .
 چونکه مرحوم علمای اخیاردن ایدی .
 مرده آنست که نامش به نکویی نبرند !
 حال بوکه مرحوم نیکنامی نک تمایلدر . زیرا
 هم جنسک سعادتی کورمکه مسعود اوله بیلیر ،
 عکس حالی موجب فلاکت بیلیردی . نیته کیم ده
 اویله اولدی .

اکا بر عصردن بر ذات فاضلک ژان ژاق
 روسودن ترجمه ایتدیکی جمله آتیه عصمت بک
 مرحوم ایچون نه قدر جای تطبیقدر : [موت ،
 منهای ایام عمر اشقیا ، و مبداء حیات ابدی اصفیادر] .

* *

زوالی عصمت و قیله بر مکتوبنده بکا « بز
 نوملکستده ادبا جنازه لرینک غربا خسته خانه لری
 طرفندن قالدیرلیدیغنی جوق کوردک ! » جمله
 سرزنشکارانه سنی یازمیشدی .

استانبولده وفات ایتسیدی . بو عاقبتدن بک
 زیاده قورقاردم . اسپارته ده ارتجالیه اورانک بزون
 جوق فضله درجه لرده قدر شناس اولدیغنی آکلاشیلان
 اهالیسی مرحومک نعش مغفرتی لایق وجهه
 تکریم ایتمشلر ، بناءً علیه قورقدیغیم حال واقع
 اولماشدر . مضی مامضی وجف القلم !

دنیا که دران ثبات کم می بینم
 درهر فرحش هزار غم می بینم
 آن کهنه رباطیست که درهر طرفش
 راهی به بیابان عدم می بینم

مستغرق رحمت اواسون آمین

سعود المولوی

مطبعه عامره || مدیر مسؤولی : طاهر المولوی